



Inatsisartuni ilaasortaq, Laura Taunajik, Siumut  
-/Maani

**§ 37 naapertorlugu apeqquteqaammur nr. 132, 2019-ikkut piniarnermik  
nakkutilliisumik atorfinitsitsinissaq pillugu apeqqutinnut akissut.**

11-03-2019  
Suliap normua  
Allakkat nr. 10258201

Inatsisartut suleriaasianni § 37-mi imm. 1 naapertorlugu Naalakkersuisunut  
apeqquteqaateqarputit. Apeqqut uanga suliassaqarfigisannit akineqartussanngor-  
lugu innersuunneqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

Asasara Laura Taunajik

Apeqqutit ataani akineqarput:

**Apeqqut 1.**

**Nunatta Kangiani Tasiilami nunaqarfiinilu piniarnermik nakkutilliisumik  
Naalakkersuisut atorfinitsitsinialersaanngillat?**

Akissut:

Aallaqqaammur § 37 naapertorlugu nr. 200 apeqqutip pineqartumut assingusoq  
ulloqartoq 29. august 2018 innersuussutigissavara. Nakkutilliinermi aqqis-  
sugaanerup nutaap 2014-imi akuerineqartup atuutilersinneqarneranut atatillugu  
nakkutilliisunik piniarnermillu nakkutilliisunik pisariaqartitsineq pillugu  
Naalakkersuisut nalilersuisassapput.


**Apeqqut 2.**

**Illumoorpa Ittoqqortoormiuni piniarnermik nakkutilliisoqarnera pillugu  
Tasiilami nunaqarfiinilu piniartumik nakkutilliisussamik atorfinitsitsium-  
asoqanngitsoq.?**

Akissut:

Apeqqummut 1-imut akissut innersuussutigineqarpoq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq

Inatsisartut suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara:

Naalakkersuisunut apequt:

1. Nunatta Kangiani Tasiilami nunaqarfiinilu piniarnermut nakkutilliisumik Naalakkersuisut atorfinitsinialersaanngillat?
2. Ilumoorpa Ittoqqortoormiuni piniarnermik nakkutilliisoqarnera pillugu Tasiilami nunaqarfiinilu piniartumik nakkutilliisussamik atorfinitsiumasoqanngitsoq?

(Inatsisartunut Ilaasortaq Laura Táunâjik, Siumut)

**Tungavilersuut:**

Ukiuni arlalinngortuni piniartunik nakkutilliisoq Tasiilami eqqaanilu innuttaasunit apequtigineqartuaannarpoq. Akisussaaffik Kommuneqarfimmiinngimmat Kommuneqarfik Sermersooq akulerussinnaasimanngilaq apeqqummut tassunga tunngatillugu. Taamaattumik kissaatiginarpoq pisariaqartitsineq taamak annertutigitillugu Naalakkersuisut matumani atorfissaqartinneqartumut aaqqiissuteqartariaqartut.

Apeqquteqaatimma ullut suliffiusut qulit iluanni akineqareersimanissaat kissaatigaara